



OYSTER PERPETUAL
DATEJUST 36

ROLEX

M
MICHELSEN
ÚRSMÍÐIR

Laugavegur 15 - 101 Reykjavík
511 1900 - www.michelsen.is

MARKAÐURINN

Miðvikudagur 6. júlí 2016

27. tölublað | 10. árgangur

FYLGIRIT FRÉTTABLAÐSINS UM VIÐSKIPTI OG FJÁRMÁL



Íslenskur fótbolti kominn á kortið

Formaður KSÍ vonast til að hægt verði að halda lengur í efnilega leikmenn.

Aðildarfélag KSÍ eiga að njóta árangursins á EM í formi ferkari styrkja.

Hann vill að Laugardalsvöllur verði yfirbyggður með hóteli og verslunum.

»6



»2

Tvær nýjar stöðvar
Semja á um rekstur tveggja einkarekinna heilsugæslustöðva. Þriðja tilboðinu var hafnað.

»5

Fá riflegan afslátt
Erlendir sérfræðingar fá 25 prósent afslátt af skatti hér á landi. Forstjóri CCP segir mikilvægt að fá erlenda sérfræðinga til landsins.

»8

Ítalía næst?
Alþjóðahagfræðingurinn Lars Christensen hefur áhyggjur af stöðu mála á Ítalíu og telur að sú staða geti valdið leiðtogum ESB heilabrotum.

»8

Óvissa í Bretlandi
Stjórnarmaðurinn fjallar um óvissuna í breskum stjórnárum.



Á LEIÐ TIL ÚTLANDA?

Velkomin í verslun okkar á fríhafnarsvæðinu í Leifsstöð

Sjónmælingar (tímapantanir):

Optical Studio í Leifsstöð, 4250500
Optical Studio í Smáralind, 5288500
Optical Studio í Keflavík, 4213811



Optical Studio

SMÁRALIND • LEIFSSTÖÐ • KEFLAVÍK

SKJÓÐAN



Ævintýri enn gerast og geta gerst víðar

ÍSLENSKA KARLALANDSLIÐIÐ í knattspyrnu hefur sigrað heiminn. Íslensku áhorfendurnir hafa líka verið óborganlegir og til fullkomins sóma. Aldrei fyrr hefur verið farin önnur eins frægðarför utan og fór landsliðsins á EM í Frakklandi.

VIÐ HÖFUM ÁÐUR átt frábæra knattspyrnumenn á Íslandi. Albert Guðmundsson, Ásgeir Sigurvinsson, Arnór Guðjohnsen og Eiður Smári Guðjohnsen voru allir í hópi bestu knattspyrnumanna heims þegar þeir voru upp á sitt besta. Samt náði landsliðið okkar ekki sérstökum árangri með þá í broddi fylkingar.

EKKI ER ÞAD TILVILJUN að Ísland hefur nú skipað sér í flokk með bestu knattspyrnuþjóðum Evrópu. Vel menntaðir þjálfarar hafa um árabíl leiðbeint jafnvel yngstu knattspyrnuútdöndunum. Knattspyrnuhús gerðu íslenskum iðkendum mögulegt að æfa og keppa í íþróttinni allan ársins hring og battavelliirnir, sem standa við nær hvern skóla á landinu, eru nýttir allt árið.

ÚR ÞESSU UMHVERFI spratt unglíngalandsliðið sem náði inn í lokakeppni EM 2011. Leikmenn þess eru kjarni landsliðsins sem vann hug og hjörtu heimsins í Frakklandi á dögum. Fleira gerðist. Ráðinn var einn besti knattspyrnustjóri veraldar til að stýra landsliðinu. Lars Lagerbäck hefur fært liðinu aga og sjálfstraust sem íslensk knattspyrnuhafi hafa ekki áður búið yfir.

MESTU MÁLI SKIPTIR samt að íslenska landsliðið bjó við sama

umhverfi og hin liðin á EM. Leikmennirnir spila við sams konar aðstæður og leikmenn Englands, Frakklands og Þýskalands. Undirbúningur liðsins er áþekkur og öll aðstaða á mótstað, hótél, matseld og fleira er sambærileg við það sem bestu liðin njóta. Þess vegna er Ísland komið í fremstu röð í knattspyrnu.

AF ÞESSU má draga lærdóm fyrir íslenskt atvinnulíf. Íslensk fyrirtæki þurfa að notast við örmynt og margfaldan fjármagnskostnað á við þau fyrirtæki sem þau keppa við. Erlend fjárfesting er fjarlægur draumur fyrir flestar greinar íslensks atvinnulífs.

EINUNGIS ÖRFÁ fyrirtæki búa við aðstæður sambærilegar þeim sem alþjóðleg samkeppni þeirra býr við. Útgerðin hefur ávallt notið forréttinda hér á landi. Þar fyrir utan eru það helst fyrirtæki, sem voru orðin alþjóðleg fyrir hrún og stóðu af sér hrúnið, DeCode, Marell, Össur og CCP. Þau njóta undanþága frá hinum almennu höftum.

ÍSLENSKT ATVINNULÍF, með íslenska krónu, höft og fjármagnsokur, er í svipaðri stöðu og íslenska landsliðið fyrir 40 árum. Ein til tvær stjórnur eru í liðinu en aðrir leikmenn eru lakari og liðið nær ekki árangri. Lífskjör íslensku þjóðarinnar eru lakari en þau þurfa að vera. Við eigum að horfa til uppbyggingar knattspyrnunnar sem fyrirmyndar fyrir atvinnulífið. Við verðum að búa fyrirtækjunum sömu aðstæður og fyrirtæki í öðrum löndum búa við. Áframhaldandi og aukin einangrun er ekki leiðin til bættra lífskjara.

MARKAÐURINN

ÚTGÁFUFLAG 365 miðlar ehf., Skaftahlíð 24, 105 Reykjavík, sími 512 5000

Netfang ritstjorn@markadurinn.is | Sími 512 5000 | Fax 512 5301
Umsjón [Jón Hákon Halldórsson](mailto:Jonhakon@365.is) Jonhakon@365.is

Ábyrgðarmaður [Kristín Þorsteinsdóttir](mailto:Kristin.Borsteinsdottir) | Forsíðumynd [Stefán Karlsson](mailto:Stefan.Karlsson)
Netfang auglýsingadeildar auglysingar@markadurinn.is Veffang visir.is

FRÉTTABLAÐIÐ

59,5%

íbúa á höfuðborgarsvæðinu á aldursbilinu 12–80 ára lesa Fréttablaðið daglega.*

Sá fjöldi myndi fara langt með að fylla sæti Laugardalsvallar tíu sinnum.

59,5% lesa Fréttablaðið

28,6% lesa Morgunblaðið

Gallup, janúar–mars 2016



Allt sem þú þarft ...



Einkareknar heilsugæslustöðvar eiga að taka á vanda heilsugæslunnar. FRÉTTABLAÐIÐ/GVA

Einkastöðvar leysi vanda heilsugæslunnar

Ríkiskaup hyggjast ganga til samninga um rekstur tveggja nýrra einkarekinna heilsugæslustöðva, byggðan á nýju greiðslukerfi sem skapa á samkeppni um íbúa. Heimilislæknar eru óánægðir með hve lítið fé fylgir hverjum íbúa.

Ríkiskaup hyggjast ganga til samninga um rekstur tveggja einkarekinna heilsugæslustöðva á höfuðborgarsvæðinu. Önnur stöðin verður staðsett á Bildshöfða í Reykjavík en hin í Urriðahvarfi í Kópavogi. Tilboði í þriðju stöðina, í Glæsibæ í Reykjavík, var hafnað. Útboðið kemur í kjölfar breytinga á greiðslukerfi ríkisins við heilsugæslustöðvar sem taka eiga gildi um næstu áramót. Með breytingunum á fjármögnun heilsugæslustöðvanna að taka mið af líklegri þörf sjúklinga fyrir þjónustu. Þannig fái stöðvar með eldri þjónustuhóp, herra hlutfall öryrkja eða einstæðra foreldra, hærri greiðslur en aðrar heilsugæslustöðvar.

Ríkiskaup auglýstu eftir tilboðum í rekstur þriggja heilsugæslustöðva á höfuðborgarsvæðinu en aðeins barst eitt tilboð í hverja stöð. Teitur Guðmundsson, læknir og framkvæmdastjóri Heilsuverndar, sem var í forsvari fyrir hópana sem buðu í heilsugæslustöð í Kópavogi og Glæsibæ, segir ástæðuna vera hve lítið fé fylgi með hverjum sjúklingi. Gunnlaugur Sigurjónsson, stjórnarformaður Heilsugæslunnar Höfða

Vonandi eru betri tímar fram undan í heilsugæslumálum höfuðborgarbúa þannig að fólk geti valið og með því veitt þeim aðhald sem veita þjónustuna.

Gunnlaugur Sigurjónsson, heimilislæknir



veitt þeim aðhald sem veita þjónustuna.

Þá bendir Gunnlaugur á að með hinu nýja kerfi fylgi fjármagn sjúklingum óháð búsetu. „Þannig að þar sem fólk fær besta þjónustu, þar væntanlega vilja flestir skrá sig, þannig að það skapast viss samkeppni.“ Fjármögnunarkerfið verður óháð því hvort stöðvarnar séu einkareknar eða reknar af ríkinu en bannað verður að greiða arð út úr rekstrinum.

Gunnlaugur segir stefnt að því að tíu sérfræðingar í heimilislækningum starfi á stöðinni við Bildshöfða sem opna á eftir áramót. Leggja á áherslu á baráttu við lífsstílstengda sjúkdóma á stöðinni og rafræn samskipti við sjúklinga þar sem það er við hæfi.

Teitur segir að hópurinn sem hann var í forsvari fyrir hafi helst viljað opna heilsugæslustöð í Glæsibæ, þar sem Heilsuvernd er til húsa, en sótt hafi verið um hina stöðina í Kópavogi til vara. „Við þurfum að fara yfir þau mál,“ segir Teitur, en hann fagnar því að niðurstaða sé komin í málið. ingvar@frettabladid.is

Vikan sem leið

290
milljarða velta

Heildarviðskipti með hlutabréf fyrstu sex mánuði ársins í Kauphöll Íslands námu 289,6 milljörðum króna, samanborið við 162,8 milljarða króna á sama tímabili árið áður. Um er að ræða 77,9 prósentu hækkun milli ára. Fyrstu sex mánuði ársins voru mest viðskipti með bréf ícelandair Group og námu viðskiptin 83,5 milljörðum.

1,6%
lækkun

Júnímánuður var verstí mánuður á hlutabréfamarkaði síðan í janúar, en MSCI All-Country vísitalan lækkaði um 1,6 prósent í mánuðinum. Alþjóðlegar áhyggjur af hagvexti, offramleiðsla á olíu sem og áhrif niðurstöðu Brexit-kosninganna ollu lækkunum í júní. Þetta var í fyrsta sinn síðan 2011 sem alþjóðlegir hlutabréfamarkaðir lækka tvo ársfjórðunga í röð.

38%
fjölgun

Sala á nýjum fólksbílum á fyrstu sex mánuðum ársins jókst um 38 prósent miðað við sama tíma á í fyrra. Nýskráðir fólksbílar á þessu tímabili voru 12.125 á móti 8.784 á sama tímabili árið 2015 sem er aukning um 3.341 bíl. Bílaleigur kaupna nær helming bilanna. Bílaleigubílar skila sér yfirleitt á almennan markað eftir um 15 mánuði samkvæmt upplýsingum frá Bilgreinasambandinu.

Á döfinni

Miðvikudagur 6. júlí

HAGSTOFA ÍSLANDS

• Vöruviðskipti við útlönd, júní 2016.

ÞJÓÐSKRÁ ÍSLANDS

• Fasteignamarkaðurinn í mánuðinum eftir landshlutum.

Föstudagur 8. júlí

ÞJÓÐSKRÁ ÍSLANDS

• Trúfélagsbreytingar

LÁNAMÁL RÍKISINS

• Fráteknið útboðsdagur 2016

Mánudagur 11. júlí

ÞJÓÐSKRÁ ÍSLANDS

• Velta í virðisaukaskattskyldri starfsemi

• Efnahagslegar skammtimatölur í júlí 2016

LÁNAMÁL RÍKISINS

• Mánaðarlegar markaðsupplýsingar

Mánudagur 11. júlí

HAGSTOFA ÍSLANDS

• Velta í virðisaukaskattskyldri starfsemi

Þriðjudagur 12. júlí

ÞJÓÐSKRÁ ÍSLANDS

• Fjöldi þinglýstra leigusamninga um íbúðarhúsnæði

Miðvikudagur 13. júlí

LÁNAMÁL RÍKISINS

• Fráteknið útboðsdagur 2016

Föstudagur 15. júlí

HAGSTOFA ÍSLANDS

• Fiskafli í júní 2016

VINNUMÁLASTOFNUN

• Atvinnuleysisstölur

Mánudagur 18. júlí

HAGSTOFA ÍSLANDS

• Samræmd vísitala neysluverðs í júní 2016

Elite x2

Hönnuð fyrir fyrirtækjaumhverfi, dýrkuð af notendum.

HP Elite x2 2012 knúin áfram með Intel® Core™ m5 örgjörva sem uppfyllir flestar kröfur fyrir fyrirtækjaumhverfi hvað varðar eiginleika og afköst.



Stenst ströngustu öryggiskröfur

Öryggislausnir HP hjálpa til við að verja gögn fólks á ferðinni og jafnvel áður en vélin er ræst.



Auðvelt að þjónusta

Hönnun vélarinnar gerir það að verkum að auðvelt er að skipta út íhlutum ef þörf er á því.



Meistaraleg hönnun

Falleg notendavæn hönnun og með frábæru lyklaborði.



Geir Þorsteinsson gefur Noël Le Graët, forseta franska knattspyrnusambandsins, þumal á leik þjóðanna á sunnudag. Forsetar landanna, François Hollande og Ólafur Ragnar Grímsson, fylgjast með af áhuga.

Yfirbyggður leikvangur er draumurinn

Vonir standa til þess að íslenskir fótboldamenn verði verðmætari eftir árangur landsliðsins á EM. Geir Þorsteinsson, formaður KSÍ, vill að íslensk félög njóti árangursins enn frekar. Stefnt er að því að Laugardalsvöllur verði yfirbyggður og að hótél verði byggt við völlinn.

Ingvar Haraldsson
ingvar@frettabladid.is



Þetta hefur þá þýðingu fyrir íslenskan fótbolda að fleiri munu fylgjast með honum og hafa augu á íslenskum leikmönnum og það má leiða að því líkur að þeir leikmenn sem koma frá Íslandi og eru eftirsóttir fari fyrir hærri upphæðir. Það verður vonandi til þess að við verðum ekki eins og kannski hefur verið, land sem er frekar ódýr fótboldamarkaður," segir Geir Þorsteinsson, formaður KSÍ, um árangur íslenska karlalandsliðsins í knattspyrnu á Evrópumótinu í Frakklandi þar sem liðið komst í átta liða úrslit.

„Þetta endurspeglar að það sé vel staðið að knattspyrnumálum á

Íslandi, og þannig að það gefi fyrirheit um að þú sért að kaupa góðan leikmann. Það sést best á þessu liði sem við erum með í dag því leikmennirnir sem mynda kjarnann í liðinu, þeir fóru mjög ungr og náðu að festa rætur hjá erlendum liðum. Svo höfum við hina hliðina á peningnum þar sem margir fara út ungr án þess að hafa tekist þetta.“

Því sé það það eitt að fara ungr út engin ávísun á árangur og oft geti verið betra fyrir leikmenn að spila lengur í efstu deild á Íslandi. „Það er alltaf þessi sama togstreita. Við viljum ekki að leikmennirnir fari of snemma út, en þeir sjálfir, og foreldrararnir, vilja fara út eins fljótt og hægt er. Það er mjög mikilvægt að taka ákvörðun á þessum tímamarki um hvert þú ferð.“

Geir vonast til þess að árangur karlalandsliðsins verði til þess að

félagslið hér á landi geti fengið meira fyrir íslenska leikmenn þegar erlend félagslið bera víurnar í þá. „Að þetta hækki verðgildið á íslenskum hæfileikamönnum og verði til þess að menn verði tilbúnir að berjast um þá og bjóði betur.“

EM reynst búbót fyrir leikmenn

Geir segist hafa trú á því að framtíðastaða landsliðsmannanna á Evrópumótinu skili þeim í enn sterkari félagslið en þeir eru í nú. Hann hafi heyrt frá umboðsmönnum leikmanna og séð í fjölmiðlum að mikill áhugi sé á mörgum í landsliðinu. Erlendir fjölmiðlar hafa fjallað um aukinn áhuga stærri liða á landsliðsmönnum. „En maður bíður eftir að það verði áþreifanlegt.“

Landsliðsmennirnir fá skerf af tekjum KSÍ af EM en evrópska knattspyrnusambandið, UEFA, greiddi

Þetta endurspeglar að það sé vel staðið að knattspyrnumálum á Íslandi.

KSÍ 1,9 milljarða fyrir þátttöku og árangur liðsins á mótinu. Geir segir samkomulagið við leikmennina trúnaðarmál en vera byggt á norrænni fyrirmynd. „Eftir að hafa rætt mjög ítarlega við forstummennina í þeim löndum sem við viljum bera okkur saman við, í Danmörku og Svíþjóð sérstaklega því þeir hafa verið fastagestir í þessum keppnum, komust við að samkomulagi við leikmennina um viðlíka mótél og hlutföll og þeir hafa boðið sínum leikmönnum. Þessir leikmenn tala allir saman, þeir spila í sínum félagsliðum með leikmönnum frá þessum landsliðum, þetta gengur bara þannig.“

Félögin njóti ágóðans af mótinu

„Þetta styrkir fjárhagsstöðu KSÍ en samt sem áður hefur okkar markmið fyrst og fremst verið, allavega hef ég persónulega lagt það upp, að okkar aðildarfélög njóti þessarar velgengni með fjárhagslegum stuðningi frá KSÍ enn frekar.“

Geir bendir á að KSÍ hafi ákveðið fyrir mótíð að aðildarfélög KSÍ fengu 300 milljónir króna af þeim 1,1 milljarði sem KSÍ fékk fyrir að tryggja sér þátttöku á mótinu. Ekki sé búð að ákveða hvernig fénu verði skipt milli félaganna en Geir vonast til að það skýrist síðar í þessum mánuði. Auk þess sé kostnaðurinn við þátttökuna á mótinu mikill en landsliðið bjó tæpan mánuði í Frakklandi.

Hótél og búðir við Laugardalsvöll

Geir sér fyrir sér mikla uppbyggingu í kringum Laugardalsvöllinn á næstu árum takist að fá fjármagn í verkefnið þar sem hótél, veitinga-

staðir eða verslanir verði byggðar við stærri leikvang. „Að slík mannvirki verði þannig úr garði gerð að þar verði hægt að bjóða upp á einhverja þjónustu þannig að mannvirkin skili tekjum allt árið um kring en það sé ekki bundið við einhverja fimm til tíu landsleiki ári.“ segir hann.

Niðurstöðu sé að vænta úr hagkvæmnisathugun Lagardère sports og Borgarbrags í kringum mánaðamótin ágúst-september um hvaða leiðir standi til boða við uppbyggingu Laugardalsvallar. Geir segir ljóst að þó féð sem KSÍ fái frá UEFA fyrir þátttöku í EM nýtist vel sé upphæðin ekki af þeirri stærðargráðu að hægt sé að byggja fyrir það nýjan leikvang. Þá megi gera ráð fyrir að framkvæmdin verði einkaframkvæmd ef af verður.

„Lokadraumurinn er að Laugardalsvöllurinn verði yfirbyggður þannig að tónleikahald og stórir viðburðir íslensku þjóðarinnar geti verið undir lokuðu þaki. Því að Harpan með öll sín gæði og 1.500 manna sal tekur ekki viðburði þar sem við vildum kannski hafa tuttugu, þrjátíu þúsund manns saman komna á stórum íslenskum viðburðum.“

Ljóst sé að til að svo verði þurfi einhver að vera tilbúinn að leggja fram fé. „Það er mjög dýrt, ég geri mér grein fyrir því. En þjóðinni er að fjölga og ég held að það hljóti að koma að því að við eignumst einn slíkan stað fyrir þjóðina til að hittast og koma saman á. Það hljóti einhverjir stórhuga menn í íslensku samfélagi, stjórnmálamenn og leiðtogar, að sjá það fyrir sér.“

„Ég held að það blási hagstæðir vindar,“ segir Geir, um möguleikann á að nýr Laugardalsvöllur verði að veruleika. Reykjavíkurborg hafi lýst yfir vilja til viðræðna og ljóst sé að ríkið þurfi einnig að koma að verkefninu. „En ég held að þessi árangur okkur núna hljóti að hjálpa til.“

SMIÐIR - VERKAMENN - MÚRARAR

ERUM MEÐ VANA SMIÐI,
VERKAMENN, MÚRARAR OG PÍPARA
SEM ERU KLÁRIR Í MIKLA VINNU.

HANDAFL EHF s. 777 2 333

Miklar lækkanir á breska pundinu og kínverska júaninu

Frá því að Bretar greiddu því atkvæði að yfirgefa Evrópusambandið hefur gengi kínverska gjaldmiðilsins júans lækkað um 1,3 prósent gagnvart Bandaríkjadal og gengi sterlingspunds gagnvart Bandaríkjadal lækkað um 12 prósent.

Gengi júans hefur lækkað umtalsvert minna en gengi sterlingspunds. Hins vegar hefur gengi júans gagnvart Bandaríkjadal lækkað um tæplega þrjú prósent á öðrum ársfjórðungi, sem er söguleg ársfjórðungslækkun. Gengi júans gagnvart Bandaríkjadal var 6,67 í gær og hefur ekki verið lægra síðan í desember 2010. Fjárfestar óttast mjög þessa þróun.

Gengi pundins lækkaði í gær eftir að forsvarsmenn Englands-

banka sögðu að það yrði krefjandi verkefni að viðhalda fjárhagslegum stöðugleika í Bretlandi á komandi misserum. Gengið náði sögulegum lægðum þegar það mældist 1,3075 í gær og hafði ekki verið lægra í 31 ár.

Gengið féll um eitt prósent eftir að breski seðlabankinn kynnti skýrslu um fjárhagsstöðugleika þar sem kom fram að kosningarnar um áframhaldandi viðveru Breta í ESB væri mesta ógnin við fjárhagslegan stöðugleika. Mark Carney, bankastjóri Englandsbanka, sagði að áhrif Brexit væru nú þegar farin að láta til sín taka, og benti þar á lækkun pundins. Hann varaði við að krefjandi yrði að viðhalda fjárhagslegum stöðugleika í Bretlandi um komandi misseri.

Forsvarsmenn seðlabankans tilkynntu svo um áform um að slaka á kröfum um eiginfjárhlutfall breskra banka til að ýta undir lánveitingar og örva hagkerfið.

Hlutabréf í breskum viðskiptabönkum lækkuðu í verði í kjölfarið. Síðdegis í gær höfðu hlutabréf í Lloyds bank lækkað um 3,6 prósent, í RBS um 4,5 prósent og í Standard Chartered um 1,3 prósent.

Nýjar tölur frá YouGov sýna að fjöldi þeirra sem hafa minni trú á bresku efnahagslífi hefur tvöfaldast frá Brexit-kosningunum, úr 25 prósentum í 49 prósent. Ef dregur úr trú fjárfesta á breska hagkerfinu getur það leitt til lægri fjárfestingar og þar af leiðandi minnkandi hagvaxtar. saeunn@frettabladid.is



Fjöldmenn mótmæli vegna Brexit voru fyrir framan breska þingið á þriðjudaginn. FRÉTTABLAÐID/EPA

Stóru og meðalstóru fyrirtækin eflast frekar

Velta tæknifyrirtækja í Sjávarklasnum jókst um 12 prósent á árinu 2015 og er nú um 60-65 milljarðar króna. Verkefni í fiskvinnslutækni um allan heim, stór verkefni innanlands í skipasmíðum og nýjum verksmíðjuhúsum eru áberandi.

Tæknigeiri Sjávarklasans á Íslandi samanstendur af 70-80 fyrirtækjum sem þróa, framleiða og selja tækja- og hugbúnað fyrir báta, skip og fisk- og matvælavinnslur. Fyrirtækin má flokka eftir sjö sérsviðum, það er fisk- og matvælavinnslutækni, kælitækni, umbúðir og kör, hugbúnaður, bátar, skipatækni og veiðarfæri.

Marel og Hampiðjan eru langstærst fyrirtækjanna og voru með samanlagða veltu í tengslum við sjávarútveg og fiskvinnslu upp á röska 20 milljarða króna á árinu 2015. Í úttekt Sjávarklasans segir að breytingar sem sjá megi hjá tæknifyrirtækjum Sjávarklasans séu helst tvenns konar. Stóru og meðalstóru fyrirtækin haldi áfram að eflast með sameiningu eða auknu samstarfi. Ástæða þessa er án efa sú staðreynd

» Samanlögð velta stærstu fyrirtækjanna, Marels og Hampiðjunnar, nam rúmum 20 milljörðum króna.

12%

aukning varð á veltu tæknifyrirtækja í Sjávarklasnum á síðasta ári.

að umtalsvert stærðarhagkvæmni virðist í greininni. Stærri fyrirtæki eða samstarfsnet fyrirtækja hafa meiri möguleika á að efla markaðs-sókn og vörubrúun og bjóða heildarlausnir. Í öðru lagi séu stöðugt fleiri fyrirtæki innan Sjávarklasans að feta sig áfram í öðrum greinum matvælaíðnaðarins. – jhh



CCP hefur notið aðstoðar fjölmargra erlendra sérfræðinga við að þróa leiki sína allan þann tíma sem fyrirtækið hefur starfað.

Útlendingar greiða skatt af 75% tekna

Sérfræðingar sem koma hingað til lands til starfa greiða einungis skatt af 75 prósentum tekna. Forstjóri CCP segir þetta mikið framfaraspör. Mikil samkeppni sé um sérfræðinga. Atvinnulífið þurfi á þeim að halda, eins og landsliðið okkar.

Fjórðungur tekna erlendra sérfræðinga sem koma hingað til starfa er undanskilinn skatti, samkvæmt nýjum lögum sem samþykkt voru 2. júní síðastliðinn. Um er að ræða lög um breytingu á ýmsum lögum til að stýrja við fjármögnun og rekstur nýsköpunarfyrirtækja og smærri fyrirtækja í vexti.

Hilmar Veigar Pétursson, forstjóri CCP, segir að þetta ákvæði í lögnum sé mikið framfaraspör. „Ég var þínulítið hissa að þetta skref var stigið. Ég hélt að þetta skref yrði erfðasta stigið, sérstaklega í andrúmsloftinu í dag þar sem fólk og flutningar milli landa eru mikið hitamál,“ sagði Hilmar Veigar á fundi um breytt umhverfi nýsköpunarfyrirtækja sem haldinn var í Húsi atvinnulífsins fyrir helgi.

Hilmar Veigar segir að fyrirtæki geti komið í veg fyrir mörg mistök með því að ráða erlendra sérfræðinga í stað þess að reyna að finna upp hjólið í sífellu. „Við erum með mikið af útlendingum sem vinna hér á Íslandi. Á fyrstu árunum vorum við fyrst og fremst að flytja inn sérfræðinga. En núna eftir því sem fyrirtækið hefur vaxið erum við annaðhvort að flytja inn stjórnmendur eða fólk sem er rosalega alþjóðlega hreyfanlegt,“ sagði hann.

Hilmar Veigar sagði að það fylgdi því mikill aukakostnaður að flytja á milli landa og það væri mikil alþjóðleg samkeppni um hæft vinnuafli. „Og þá er fólk að bera saman, á ég

Þrjú skilyrði sett

Uppfylla þarf tiltekin skilyrði til þess að erlendum sérfræðingur fái skattafslátt. Þau eru:

- Erlendum sérfræðingur sé ráðinn til starfa hjá lögaðila sem hefur lögheimili eða fasta starfsstöð hér á landi og er sá sem greiðir hinum erlenda starfsmanni tekjur sem sérfræðingi.
- Erlendum sérfræðingur hafi ekki verið búsettur eða heimilisfastur hér á landi á fimm ára tímabili næst á undan því almanaksári er hann hóf störf hér á landi.
- Erlendum sérfræðingur búi yfir þekkingu sem ekki sé fyrir hendi hér á landi nema í litlum mæli.

Gert er ráð fyrir að sjálfstæð nefnd muni fara yfir skriflegar umsóknir og staðfesta eða hafna umsókn um að tiltekinn aðili uppfylli skilyrði.

að fara til Svíþjóðar, þar sem er rosalega gott kerfi í kringum svona hluti, eða Danmerkur eða Kanada, þar sem er gengið mjög langt? Eða til Íslands þar sem virðist ekki vera neinn svakalegur áhugi á að byggja saman við þannig að þetta er mjög gott skref.“

Hilmar Veigar bar þörfina í atvinnulífinu fyrir uppbyggingu með erlendum sérfræðingum saman við uppbyggingu íslenska karlalandsliðsins í knattspyrnu. „Þetta er mikið uppbyggingarstarf sem er búið að fara mjög vel yfir.

Þetta er mikið uppbyggingarstarf sem er búið að fara mjög vel yfir. Þetta er búið að vera áratuga uppbygging í fót-boltavöllum, leiðtogaþjálfun og það er bara búið að setja þetta mál hressilega á dagskrá.

Hilmar Veigar Pétursson, forstjóri CCP



Tesla Model S fyrir utan Tesla-verksmiðjuna í Kaliforníu. FRÉTTABLAÐID/AP

Tesla nær ekki markmiði um fjölda afhentra bíla

Annar ársfjórðunginn í röð hefur rafbílaframleiðandinn Tesla ekki náð því markmiði sem fyrirtækið hefur sett sér um fjölda afhentra bíla. Útlit er fyrir að bílaframleiðandinn nái ekki markmiðinu fyrir árið í heild.

Á öðrum ársfjórðungi afhenti Tesla 14.730 bíla, en markmiðið var 17.000 bílar. Í tilkynningu frá fyrirtækinu kemur fram að ástæða þess að færri bílar voru afhentir sé meðal annars sú að fleiri bílar séu í framleiðslu en venjulega, og mjög mikil framleiðsla hafi leitt til þess að helmingur bílanna var framleiddur

á síðustu fjórum vikum.

Áætlan Tesla er að afhenda 50.000 bíla á síðari helmingi ársins. Ólíklegt er þó að það takist í ljósi þess að einungis tókst að afhenda 29.140 bifreiðar á fyrri helmingi ársins. Jafnvel þó það takist verður heildarfjöldi bíla sem afhentir verða á árinu 80 til 90 þúsund, sem er lágmarks-áætlun.

Tesla kynnti á árinu nýja ódyrari gerð af bíl sem nefnist Model 3 Sedan. Yfir 373.000 hafa pantað hann og hefst framleiðsla á honum ekki fyrr en síðari hluta næsta árs.

– sg

Ferðapjónusta

Ásta Kristín
Sigurjónsdóttir
klasastjóri Íslenska
ferðaklasans



Með hugarfar sigurvegara?

„Uppbygging aðstöðu, þjálfun og menntun er banvæn blanda fyrir árangur.“ Þetta sagði okkar ástkæri Heimir Hallgrímsson, annar landsliðsþjálfari Íslands í knattspyrnu, m.a. á aðalfundi SAF í mars.

Sigurvegari trúir því að með rétttri þjálfun, uppbyggingu og góðum undirbúningi sé allt mögulegt. Það þurfa allir að líta í eigin barm til að svara því hvort þetta hugarfar sé ráðandi, ekki benda á næsta mann heldur hugsa: Hvað get ég gert í dag til að efla mig enn frekar? Eitt er víst að verkefni eru næg og þar af leiðandi endalaus tækifæri, en við verðum að vera tilbúin til að eiga möguleika á að nýta þau sem best.

Að vinna að stöðugum úrbótum í rekstri og koma auga á vagnýtt tækifæri krefst þjálfunar og tíma. Þessu ætlar Íslenski ferðaklasinn ásamt Nýsköpunarmiðstöð Íslands og öflugum bakhjörllum að svara og bjóða stjórnendum í starfandi ferðapjónustufyrirtækjum að taka þátt í verkefni á landsvísi sem nefnist Ratsjain og hefur göngu sína á haustmánuðum. Í verkefninu gefst stjórnendum kostur á að staldra við og rýna í rekstur sinn, koma auga á tækifæri til vöruþróunar, háþörfunar á arðsemi, innleiðingar hönnunarhugsunar í starfsemi ásamt öllum þeim fjölmörgu atriðum sem rekstur ferðapjónustufyrirtækis hefur í för með sér á eins miklum vaxtatímum og við upplifum nú.

Svæðisbundin þróun er eitt af stóru verkefnum í ferðapjónustu. Betri dreifing ferðamanna er oft til umræðu en auðvitað gerir það enginn beint, það er hinsvegar hægt að dreifa fjárfestingum og þannig er hægt að dreifa álagi. Með framlagi úr framkvæmdasjóðum, flugþróunarsjóði og fjárfestum sem líta á það sem tækifæri að nýta auðlindir sem víðast þá náum við betri stýringu, sú vegferð er hafin en hún tekur auðvitað tíma.

Vegvísir ferðapjónustunnar er metnaðarfullt plagg unnið í sameiningu af stjórnvöldum og atvinnugreininni sem segir til um núverandi stöðu og aðgerðir til framtíðar. Að stilla saman grunnþætti opinberra aðila og síðan fyrirtækja sem eru á fljúgandi siglingu í þróun og uppbyggingu er ákveðin kúnt. Það er eðli þróunar að hún tekur á og ekkert óeðlilegt við titring hér og þar, mikilvægast er samt að staðna ekki í niðurrifi og pirringi heldur takast á við næstu verkefni sem bíða, samtíga.

Stöndum saman sem eitt eru skilaboð Íslenska ferðaklasans – höfum trú, staðfestu, og styrk til að halda ferðapjónustu áfram sem þeirri mikilvægu efnahagslegu stöð sem hún er í íslensku samfélagi, ekki bara út árið eða það næsta, heldur til frambúðar.

Farþegar bíða eftir flugi



Spænska flugfélagið Vueling ráðgerði að aflýsa 66 flugferðum í gær vegna verkfalls franskra flugstjóra. Mikil röskun hefur verið á flugi Vueling undanfarna daga. Verkfall 28. júní hefur valdið snjóboltaáhrifum seinkana og aflýstra flugferða. Farþegar voru margir þreyttir. FRÉTTABLAÐID/EPA

Ítalía gæti vel orðið næsti höfuðverkur ESB



Lars Christensen
alþjóðahagfræðingur

Fjármálamarkaðir heimsins virðast vera að ná sér eftir fyrsta áfallið vegna niðurstöðunnar úr þjóðaratkvæðagreiðslu Breta um Evrópusambandið og þótt ESB-kerfið sé greinilega enn í sjokki eftir Brexit-ákvörðunina er greinilegt að fjármálamarkaðir heimsins virðast hafa náð jafnvægi eftir skammvinnu krampaflog. Hvað varðar Evrópusambandið er hins vegar alltof snemmt að álykta að

við séum laus allra mála. Reyndar gæti verið að Brexit sé ekki stærsta áhyggjuefni ESB. Næsta stóra áhyggjuefni gæti verið Ítalía.

Ítalía – 15 ár án hagvaxtar

Ítalía er án nokkurs vafa eitt af þeim hagkerfum í Evrópu sem hafa staðið sig langverst síðasta áratuginn. Undanfarið hefur ótti vegna ástands ítalska bankageirans enn á ný komið upp á yfirborðið og í kjölfar Brexit-krísunnar hefur ítalski forsætisráðherra Matteo Renzi lagt til meiri háttar björgunaraðgerðir fyrir ítalska bankageirann.

En slíkar áætlanir myndu sennilega stangast á við nýjar reglur ESB sem þýða í raun að slíkar björgunaraðgerðir skuli fyrst og fremst fjármagnadar af sparifjareigendum og lánardrottnum frekar en skattgreiðendum, svo að í bili litur úr fyrir að Renzi geti ekki fengið samþykki frá ESB fyrir nýjum bankabjörgunarpakka. Það breytir hins vegar ekki þeirri staðreynd að ítölsku bankarnir eru í alvarlegum vanda og að

hlutabréf í ítölskum bönkum hafa rýrnað um meira en helming að verðgildi á þessu ári.

Vandamál ítalska bankageirans hefur lítið með Brexit-kosninguna að gera. Ítalski bankageirinn er í vanda af sömu ástæðu og ítölsk ríkisfjármál eru í klandri – skortur á hagvexti.

Þannig hefur ekki orðið neinn raunverulegur bati í ítalska hagkerfinu síðan 2008. Raunar er verg landsframleiðsla núna að raunvirði næstum 10% minni en hún var í upphafi árs 2008 og það sem er jafnvel enn verra – raunvirði vergrar landsframleiðslu er núna það sama og það var fyrir 15 árum. Fimmtán ár án hagvaxtar – það er raunveruleiki ítalska hagkerfisins.

Það eru ýmsar ástæður fyrir hagvaxtarleysi Ítalíu. Ein er sú staðreynd að Ítalía er í myntbandalagi – evrusvæðinu – sem landið hefði aldrei átt að ganga í. Hin djúpa kreppa á Ítalíu krefst mikillar slökunar á peningamálastefnu – það er að segja Ítalía þarfnast mun veikari


„líru“, en Ítalía hefur ekki lengur líruna og þess vegna eru peningamarkaðsskilyrðin of stíf fyrir Ítalíu.

Auk þess er Ítalía þjökkuð af alvarlegum kerfisvandamálum – til dæmis stífum vinnu- og neikvæðri mannfjöldapróun. Afleiðingin er sú að útlitið er býsna dökkt hvað hagvöxt varðar.

Og þótt hagvöxtur hafi aðeins tekið við sér síðasta árið er ekki hægt að segja að hann sé tilkomumikill og nýjasti órói á mörkuðunum hefur sennilega skaðað ítalskan hagvöxt enn frekar og Ítalía gæti auðveldlega lent í samdrætti á ný á komandi mánuðum ef bankavandamál stigmagnast.

Á meðan enginn hagvöxtur er til staðar er erfitt að sjá að skuldir einstaklinga og hins opinbera lækki að nokkru marki og þess vegna er mjög líklegt að við munum fljótlega sjá endurnýjaðar áhyggjur af bæði ítalska bankageiranum og ríkisfjármálum. Þess vegna gæti næsti höfuðverkur Evrópusambandsins vel orðið Ítalía.

EM fyrir sprotana!



Hin hliðin
Hrönn Margrét
Magnúsdóttir,
framkvæmdastjóri
Ankra ehf.

Ótrúleg velgengi íslenska landsliðsins á EM 2016, heimsathyglin og meðbyrinn frá öðrum þjóðum (nema kannski þeim sem við höfum unnið) er eitthvað sem verður seint gleymt. Nú erum við ekki bara landið með

eldgosin, bankahrunið og Panamahneykslið, heldur landið með fegurárdrottningar, sterkustu mennina, hraustustu konurnar og íslenska landsliðið í fótbolta sem hefur tekist hið ómögulega.

Sem stofnandi sprotafyrirtækis sem þróar og markaðssetur íslenskar húðvörur og fæðubótarefni sem vinna saman innan frá og utan að bættu útliti og heilsu undir vörumerkinu Feel Iceland hlýtur maður að spyrja sig hvornig hægt sé að nýta þetta einstaka tækifæri í markaðssetningu á erlendri grundu.

Það fylgja því án efa kostir og gallar að vera með vörumerki sem inniheldur orðið Ísland eins og Feel Iceland og velti undirrituð því óneitanlega fyrir sér hvort það hefðu verið mistök þegar Panamaskjöldin litu dagsins ljós. En í dag er nafnið svo sannarlega engin mistök og gæti í rauninni ekki verið betra, að minnsta kosti þar til eitthvað annað skekur þjóðina.

Það er mikilvægt fyrir litlar þjóðir eins og okkar að við stöndum saman og síðustu vikur höfum við Íslendingar sýnt heiminum að við stöndum

þétt við bakið á okkar fólki og erum fljót upp á fæturna ef illa gengur.

Fyrir sprotafyrirtæki með takmarkað fjármagn skiptir miklu máli að fá eins mikla umfjöllun og hægt er og það helst ókeypis. Þessi velgengi landsliðsins er því mikil blessun fyrir íslensk sprotafyrirtæki sem ætla út fyrir landsteinana og ber að nýta þennan meðbyr út í ystu ásar til þess að vekja athygli erlendis.

Eftir að hafa lagst undir feld koma hér nokkrar hugmyndir að því hvernig við sprotar getum nýtt okkur þetta tækifæri:

Frábær ísbrjótur á fundum erlendisFletta upp í Íslendingabók og finna þann landsliðsmann sem er skyldastur okkur og státa okkur af frænda okkar í landsliðinu Við erum búin að sanna að Íslendingar geta látið hið ómögulega gerastÞó við séum lítil þjóð erum við ekki lítil í okkurVið erum þekkt fyrir þrautseigju og gefumst ekki uppSprotar eiga að standa saman og styðja hvorn annan

Takk Lars, takk Heimir og takk strákarnir okkar fyrir að gefa okkur sprotum vind í seglin á erlend mið.



WiFi þráðlaus dyrabjalla Verð 29.000 Dyrabjalla sem tengist snjallsíma Video, tal og hreyfiskynjari	Bluetooth heyrnatól Verð 6.900 Noise Reduction, þráðlaus, handfrjáls, innbyggður míkrofónn	Hurricane bluetooth heyrnatól Verð 8.900 Frábær hljómgæði, flottur bassi og innbyggður míkrofónn	GPS Snjallúr fyrir krakka SOS Verð 11.900 Tekur gsm kort og er með neyðarhapp og gps Staðsetningu	Sími / Snjallúr bluetooth Verð 8.900 Gsm sími, Sport snjallúr með bluetooth og snertiskjá
--	---	---	--	--



Chippendale stofuskápur - verð 379.000 Tilboð 312.000 eða 27.315 kr á mánuði Stærð 180 x 64 sm - h. 225 sm	Coltrain sófasett - verð 547.000 Tilboð 398.000 eða 34.733 kr á mánuði Sófi 230 - stóll 104 x 100 sm h. 95 sm	French Curio - verð 165.000 Tilboð 107.250 eða 9.655 kr á mánuði Stærð 70 x 40 sm - h. 190 sm
---	--	--



Sjónvarpsskápur - verð 172.000 Tilboð 137.000 eða 12.221 kr á mánuði Stærð 175 x 50 sm - h. 60 sm	Sófaborð með skúffur - verð 93.000 Tilboð 67.000 eða 6.184 kr á mánuði Stærð 110 x 60 sm - h. 53 sm	Sjónvarpsskápur - verð 139.000 Tilboð 111.000 eða 9.979 kr á mánuði Stærð 104 x 55 sm - h. 73 sm	Innskotsborð - verð 57.000 Tilboð 48.000 eða 4.545 kr á mánuði Stærð 60 x 45 sm - h. 60 sm
--	--	---	---



Carrera lyftistóll - verð 159.000 Áklæði - tilboð 119.000 eða 10.669 kr á mánuði Stærð 82,5 x 96 sm - h. 109 sm	Rubelli hægindastóll - verð 139.000 Ekta leður - tilboð 99.000 eða 8.944 kr á mánuði Stærð 82 x 90 sm - h. 105 sm	Rubelli hægindastóll - verð 89.000 Áklæði - tilboð 69.000 eða 6.356 kr á mánuði Stærð 82 x 90 sm - h. 105 sm	Sheraton stóll - verð 48.000 Tilboð 39.000 eða 3.769 kr á mánuði Stærð 50 x 47 sm - h. 100 sm	Chippendale stóll - verð 49.000 Tilboð 39.000 eða 3.769 kr á mánuði Stærð 55 x 45 sm - h. 105 sm
--	--	---	--	---

12 mán. vaxtalaust - Upphæðir miðast við raðgreiðslur með kreditkorti í 12 mánuði, 0% vextir, 3,5% lántökugjald og 405 kr. greiðslugjald

Stjórnar- maðurinn

@stjornarmadur

Rottur og sökkvandi skip

Óhætt er að segja að ekki séu enn öll kurl komin til grafar varðandi útgöngu Breta úr Evrópusambandinu. Pundið heldur áfram að hrífalla og hefur ekki verið veikara gagnvart Bandaríkjadal í þrjátíu ár. Sömu sögu er að segja af hlutabréfamörkuðum.

Á tímum sem þessum er nauðsynlegt að til staðar sé styrk pólitísk forysta til að leiða þjóðina gegnum óvissuna. Sú er þó aldeilis ekki raunin í Bretlandi. David Cameron forsætisráðherra var aðaltalsmaður aðildarsinna og sagði af sér um leið og úrslitin urðu ljós. George Osborne fjármálaráðherra, sem hefur leitt breska hagkerfið með þryði gegnum öldudal eftirhrunsáranna, var sömuleiðis aðildarsinni.

Þeir félagar sitja því allt að því umboðslausir þar til íhaldsflokkurinn hefur kosið sér nýjan leiðtoga. Markaðir eru ekki hrifnir af óvissu, og umboðslausir landsfeður eru ekki líklegir til að slá á ástandið.

Þá er vikið að „sigurvegurum“ kosninganna; þeim Boris Johnson, Micheal Gove og Nigel Farage. Johnson og Gove tókst með ótrúlegum hætti að eyðileggja pólitíska framtíð hvor annars með kæruleysislegum viðbrögðum (Johnson) og klækjabrögðum sem keyrðu úr hófi (Gove). Farage, formaður hins rasíska þjóðernisflokks, var svo síðastur til að flýja hið sökkvandi skip.

Staðan er því sú að þeir sem með hálf sannleik og prettum komu Bretum í þá stöðu að vera á leið út úr Evrópusambandinu hafa allir stokkið frá borði. Það kemur því í hlut annarra að reisa skútuna við. Sennilegast er að Theresa May innanríkisráðherra verði fyrir valinu.

Churchill sagði að lýðræðið væri versta stjórnkerfi sem fundið hefði verið upp, fyrir utan öll hin. Hann sagði jafnframt að stærstu móttrökin gegn lýðræði væru fimm mínútna spjall við hinn almenna kjósanda.

Freistandi er að segja að Brexit undirstríki hversu stórt sannleikskorn var í ummælum Churchills. Bretar létu lýðskrumara plata sig og sitja nú eftir leiðtogalausir. Því miður er enginn Churchill í sjónmáli.

49

DOLLARA

kostaði tunnan af hráolú á hádegi í gær og hefur verið lækkað undanfarna daga. Ástæðan er sú að nigerísk olíuframleiðsla hefur aukist aftur að undanförunu vegna bóta á innviðum þar syðra. Bloomberg Commodity Index lækkaði um 0,6% frá föstudeginum. Silfur lækkaði um 1,7%, gull lækkaði um 0,5%, nikkel lækkaði um 0,8% og pálmaolía lækkaði um 2,1%.

11,4%

ER AUKNING KAUPMÁTTAR

á Íslandi frá maí 2015, samkvæmt Hagfræðideild Landsbankans. Í Hagsjá, riti Hagfræðideildarinnar, segir að launahækkunir vegna kjarasamninga hafi verið miklar og svo virðist vera eitthvert launaskrið í gangi þar sem launavisitalan hækkar nokkuð stöðugt frá mánuði til mánaðar. Kaupmáttur launa er nú hærri en hann hefur nokkurn tíma áður verið.

24.06.2016



Við höfum lengi haldið því fram að það væri fullkominn óþarfi að hafa allan þennan fjölda sem heyrir undir kjararáð. Erlendis, eins og í Svíþjóð til dæmis, þar semja héraðsdómarar og dómarar bara við sína viðsejendur.

Gylfi Arnbjörnsson, forseti ASÍ



NÝBAKAÐ BRAUÐ ALLA DAGA

- Austurströnd 14
- Dalbraut 1
- Hringbraut 35
- Fálkagötu 18
- Lönguhlíð



BJÖRNSBAKARI
Sími: 561 1433

mánudaga-föstudaga 7.30 - 17.30
laugardaga 8.00 - 16.00
sunnudaga 9.00 - 16.00